



Cov niam cov txiv uas muaj kev cia siab Kev taw qhia niam txiv rau tsev kawm ntawv txoj kev twv xyuas: Qhov koj yuav tau paub

(A Parent's Guide to School Testing: What You Need to Know - Hmong)

Cov kawm ntawv yeej twv ntau qhov ntawv nyob hauv tsev kawm ntawv. Ob qhov ntawv twv xyuas “loj tshaj” yog xeev Minnesota cov kev twv xyuas kev kawm tau ntawv [Minnesota Comprehensive Assessments, (MCA)] thiab kev twv xyuas kev txawj lus As Kiv (ACCESS for English Language Learners). Nov yog vim li cas ob qho twv xyuas no ho tseem ceeb thiab koj muaj cuab kav pab koj tus me nyuam twv kom tau zoo li cas.

Xeev Minnesota cov kev twv xyuas kev kawm tau ntawv

Qhov no yog kev twv xyuas kev nyeem tau ntawv, ua tau zauv thiab paub science. Tsev kawm ntawv hauv xeev Minnesota yeej muab cov ntawv twv xyuas no rau cov kawm ntawv kawm qib 3 mus txog qib 8 thiab ib zaug hauv high school twv txhua xyoo; muaj cov kev twv science hauv qib 4 thiab qib 8 thiab ib zaug nyob high school. Cov kev twv xyuas no ntsuas seb cov kawm ntawv puas kawm tau raws li lub xeev cov ntawv teev qhia.

Tsev kawm ntawv muab cov kev twv xyuas no rau cov kawm ntawv twv kom pom tias lawv kawm tau cov ntsiab ntawv (concepts) thiab txawj li cas. Tom qab koj tus me nyuam twv ib qho ntawv twv xyuas no lawm, tsev kawm ntawv yuav xa ib daim ntawv tuaj qhia rau koj txog qhov koj tus me nyuam kawm tau ntawv. Daim ntawv no:

- Muaj cov lus piav txog kev txawj nyeem ntawv, txawj ua tau zauv thiab paub science.
- Qhia rau koj paub tias koj tus me nyuam kawm tau ntawv li cas yog muab piv tag nro rau cov kawm ntawv hauv lub xeev.

Cov kawm ntawv twv dhau los yog tsis dhau cov ntawv twv xyuas MCA no los tsis ua cas. Qhov tiag yog qhov qhia rau cov niam txiv thiab tsev kawm ntawv pom tias cov kawm ntawv txawj nyeem tau ntawv, ua tau zauv thiab paub science zoo li cas. Koj muaj cuab kav siv tau qhov pom li no los xyuas kev kawm tau ntawv ntawm koj tus me nyuam nyob hauv tsev kawm ntawv. Tsev kawm ntawv muaj cuab kav siv qhov pom li no los pab txiav txim siab tias yuav qhia ntawv thiab pab txoj kev kawm li cas mus ntxiv.

Pab npaj koj tus me nyuam mus twv cov ntawv twv xyuas no

Kuj muaj ntau yam koj muaj cuab kav ua tau los pab koj tus me nyuam kom nws twv tau zoo.

Lub tswv yim twv ntawv

- Txhawb kom koj tus me nyuam xyaum muaj tus zoo cwj pwm saib ntawv. Cov kawm ntawv yuav tsum siv ib lub caij nyoog txhua hnuv los ua cov ntawv nqa los ua hauv tsev. Yog koj pab tsis tau nws ua cov ntawv no, koj muaj cuab kav teev ib lub caij nyoog rau nws thiab saib nws ua cov ntawv no.
- Qhia kom koj tus me nyuam swm cov lus qhia twv ntawv thiab qhov ntawv twv xyuas. Koj muaj cuab kav hais kom tsev kawm ntawv muab daim sim twv rau koj los yog mus saib kev qhia ua thiab cov qauv nyob hauv xeev Minnesota fab kev kawm ntawv qhov site yog education.state.mn.us/MDE/dse/test/index.htm.
- Txhawb kom koj tus me nyuam koom tej kev sim twv nyob hauv tsev kawm ntawv los yog hauv tsev. Cov qauv xyaum twv no yeej ua tau nyob hauv computer. Xyuas meej tias koj tus me nyuam paub mus ua cov ntawv xyaum twv no hauv online.

- Xyuas meej tias koj tus me nyuam tau pw txaus txaus thiab noj tshais ua ntej mam mus twv ntawv.
- Qhia rau koj tus me nyuam tias yuav siv sij hawm ntev lis cas los twv cov ntawv no los yeej tau es kom nws txhob maj maj.

Nyeem ntawv

- Nyeem ntawv rau koj tus me nyuam, yog koj ua tau, thiab txhawb kom nws nyeem rau koj mloog.
- Txhawb kom koj tus me nyuam sim ua cov lus hais sib cab (crossword puzzles) thiab cov lus twv nyob hauv tej ntawv xov xwm nyob hauv koj lus zos.

Zauv

- Txhawb kom koj tus me nyuam siv zauv txhua hnuv. Hais kom koj tus me nyuam xyaum ua xws li npaj tseg qhov nyiaj siv mus yuav khoom noj, piav qhia cov lus teev qhia (Charts) thiab qhov teeb qhia cov lus (graphs) hais tawm hauv ntawv xov xwm, thiab luj raws li tus qauv ua noj.
- Ua si (play games) uas muaj qhov suav los yog qhov ntxiv qhov rho nrog.

Science

- Nyeem tsab ntawv hais txog science nyob hauv ntawv xov xwm, phau ntawv xov xwm, los yog nyob hauv online kom pab koj tus me nyuam to taub tias science yog ib txoj kev ua tawm (active process).
- Siv caij mus xyuas tej chaw saib nroj tsuag, tu tsiaj, thiab science museums xwv koj tus me nyuam thiaj mus pom science uas tsis nyob hauv chav kawm.
- Qhia kom koj tus me nyuam paub ntxiv li qhov saib thiab muab qhov pom nyob hauv TV xws li cov ua tawm hauv National Geographic los yog zej tsoom tshooj TV ntawd coj los sib tham.

Kev twv xyuas kev txawj ntawv As Kiv (ACCESS for English Language Learners)

Cov kawm ntawv uas yog cov tseem txawj lus As Kiv tsis txaus nyob hauv qib K-12 nyob hauv tsev kawm ntawv dawb yuav tau mus twv cov ntawv txheeb xyuas kev txawj lus As Kiv hu ua ACCESS for ELLS. Cov kawm ntawv tsis tas yuav saib ntawv los yog npaj rau cov ntawv twv no.

Cov ntawv twv xyuas kev txawj lus As Kiv no yog saib qhov kawm txawj lus As Kiv ntawm tus me nyuam hauv kev nyeem ntawv, sau ntawv, mloog tau, thiab hais lus. Qhov twv tau yuav muab tau cov lus muaj nqis txog kev kawm txawj lus qhia rau tsev neeg thiab tsev kawm ntawv.

- Tsev neeg muaj cuab kav siv qib txawj lus thiab txawj li cas kom lawv to taub seb lawv tus me nyuam kawm tau nce qib thiab koom nrog tsev kawm ntawv los txhawb lawv tus me nyuam txoj kev kawm.
- Cov kws qhia ntawv thiab cov tsev kawm ntawv siv qhov twv tau no los saib tus kawm ntawv txoj kev kawm txawj siv lus As Kiv, npaj txoj kev qhia ntawv, thiab ntsuam xyuas cov kev qhia kom txawj lus As Kiv. Tsev kawm ntawv tseem siv qhov twv tau no los txheeb xyuas seb puas tau stim nyog nrho ib tug kawm ntawv twg tawm hauv txoj kev kawm txawj lus as Kiv no mus.

Cov kawm ntawv feem coob yeej twv tau cov ntawv twv ACCESS for ELLs no nyob hauv computer, tiam sis kuj muaj kev txwv nyob ntawm qib kawm thiab yuav twv txog dab tsi. Cov kawm ntawv twv dhau los yog tsis dhau cov ntawv twv no los tsis ua li cas vim cov ntawv twv no yuav ntsuas tus me nyuam rab peev xwm txawj lus As Kiv kom to taub thiab siv tau lus As Kiv. Txhua tus kawm ntawv tau txais qib twv xyuas kev txawj lus no tau pib qib 1 mus txog 6.

Muaj lus nug?

Koj puas muaj lus nug txog qhov muaj kev cia siab? Koj hu tau rau Ntaub Xyooj nyob hauv koom haum PACER Center, tus xov tooj yog (952) 838-1368.

Koom haum PACER Center yog ib lub koom haum pab dawb nyob hauv xeev Minnesota. Lub koom haum no txhawb cov me nyuam muaj thiab tsis mauj qhov tsis taus cov cai mus kawm ntawv. Koom haum PACER muab kev tham qhia, pab tswv yim rau ib tsev neeg twg, sau tej ntaub ntawv sau tawm, thiab ntau yam ntxiv.